

Von allerhand Arzney/  
Meerhirs.

**M**eerhirs samten/eines quintlins schwer gepulvert / vnd in weissem Wein eingetrunden / bricht den Stein/vnd treibet den Harn. Ein

bewehrte Arzney der Weiber so in Kindes nöthen liegen / dann es fürdert die Geburt/vnd treibt auß das Hürdelein.



Man mag diß Kraut mit Pappel vnd Chamillen in Wasser sieden/ vnd für den Stein darinn baden/ mildert den schmerzen/ doch solle es mit Vernunfft genüzet werden.

Springwurz.

Erdeley/ Kellerhals.

**E**s ist zweyerley Springwurz/ groß vnd Klein/ heiß am dritten Grad / vnd feucht am ersten. Die groß gleich den Oliven/ auß welcher frucht machet





machtet man öhl/ Liscinum genant. Das reiniget vil böser materi auß dem Magen/ gut wider Gifte/ retniget Slegma/ Cholestram vnd Melancholiam.

Springwurz  
Wasser.

Stengel vnd Blätter gebrandt im Anfang seiner vollkommenen Wachung / purgieret die Gall/ vnd die wässerigen / überflüssigen Feuchtigkeiten / beweget obenauff Brechen / verreibt die Würm/ auff iij. Loth getruncken / wiewol es fast schädlich ist der Lungen/ dem Magen vnd der Lebern / Darumb

ists nicht allweg gut in den Leib zu brauchen.

Aber feucht Raud/ Geschwâr/ vnsaubere Näler/ Freissam/ vnd Flechten/ oft damit gewäschen/ heilet sie.

Egelkraut/ Pfenningkraut.

**D**ies Kraut ist einer zusammen ziehenden vnd trucknen Natur.

Egelkraut ist ein edel Wundkraut / in Wein gesotten/ vnd darvon getruncken / oder das

R v

Pulver